



Nunatsinni Nakorsaaneqarfik

Peqqinnissakkut sullissisut qarasaasiakkut nakorsartitsissummik atuineranni akisussaaffinnut assigisaannullu tunngasut pillugit ilitersuut

7. april 2016

1. Aallaqqaasiut tunuliaqutaasorlu

ilitersuusiami matumani qarasaasiakkut nakorsartitsineq tassaavoq peqqinnissakkut sullissisup noqqaassuteqartumik aamma taagorneqartup video, assit, nipi misissuinermilu uuttukkat iluaqutsullugit nappaammik suussusersiniaanermi nakorsaaneramilu, peqqinnissamik sullissisumik alamiittumik akuutitsineq.

Qarasaasiakkut nakorsartitsinermit atatillugu sullissineq nunat killeqarfiinit killilersugaanngilaq. Ilitersuummi matumani Kalaallit Nunaanni qarasaasiakkut nakorsartitsinermit immikkut ilisimasalinnik Danmarkimeersunit nunanillu allaneersunit naliliisitsinermit, nakorsaanermit assigisaannullu akisussaaffinnut tunngasut nassuiarneqarput.

Ilitersuut apeqqutinik paasissutissinneqarnikkut akuersinermit, nipangiussisussaataitanermik paasissutissanillu peqqissutsimut tunngasunik ingerlatitseqqiinermit assigisaannullu tunngasunik, kiisalu qarasaasiakkut nakorsartitsinermit atatillugu allattugaatinut nalunaarsuinermit tunngasunik imaqqarpoq.

2. Akisussaaffik

Qarasaasiakkut nakorsartitsinermit akisussaaffinnut tunngasut nalinginnaasut atuupput. Taamaammat taama nakorsartitsinermit atatillugu immikkut ittunik maleruagassaqaanngilaq.

Peqqinnissakkut sullissisut sulisinnaatitaanermit uppersaasikkat, qarasaasiakkut nakorsartitsinermit aamma sulinermit peqqissaartumik ilu-moorussamillu suliaminnik ingerlatsinissaminut pisussaaffeqarput.

Naliliinerit nakorsaanerillu illersorneqarsinnaanerit taamatullu misissuinermit paasissutissanillu pisariaqartitanik tunngavilersugaanerit, peqqinnissakkut sulisinnaatitaanermit uppersaasikkat namminneq akisussaaffigaat.

Peqqissaasut nakorsalluunniit paasissutissat pisarsiatik tunngavigalugit illersorneqarsinnaasumik naliliisinnaasorinngitsut nakorsaasinnaasorinngitsulluunniit imaluunniit kukkusoaqarsimaneranik allanilluunniit nalorninartoqarneranik pasitsaasisut, tamatuminnga ilisimatitsinissaat immikkut piumasaqaataavoq.

Nappaammik suussusersiniaanermi nakorsaaneramilu piumasaqaatit suut aalajangiinermit tunngaviunersut siuningaaniit peqataasunut (noqqaasoq qarasaasiakkulu nakorsartitsinermit naliliisus-saq) ersarerissaaq.

Immikkut ilisimasallip nunatta avataaneersup qarasaasiakkut nakorsartitsinermit naliliinerata Kalaallit Nunaanni nakorsamit noqqaasumiit misissorneqarnissaa, Kalaallit Nunaannilu nakor-

saq napparsimasup nakorsarneqarneranut tamakkiisumut paatsuugassaannigitsumik akisussaasunissaa innersuussutaavoq.

Nunaqarfimmi peqqinnissakkut sullissisumit noqqaassutaasumik qarasaasiakkut nakorsartitsinermit peqqissaasoq nakorsalluunniit naliliip-pat, tamatumalu kingorna nakorsarneqarnissaa piumasaqaataappat, nakorsaaneq peqqissaasup nakorsalluunniit akisussaaffigisavaa.

Noqqaasoq

Paasissutissat nakorsaanermit tunngaviusussat nakorsaanermit aallartitsinissamut naamman-nerannik qulakkeerinissaq, noqqaasup akisussaaffigaa.

Nakorsap peqqissaasulluunniit noqqaasup qarasaasiakkut nakorsartitsinermit naliliineq tunngavigalugu nakorsaanermit aallartitsisup, nakorsaanermit ilinniagaqassutsikkut illersorneqarsinnaanera nammineq akisussaaffigaa.

Nunaqarfimmi peqqinnissakkut sullissisooq, qarasaasiakkut nakorsartitsinermit atatillugu misissuinissamik noqqaassuteqartoq tamannalu tunngavigalugu qarasaasiakkut nakorsartitsinermit peqqissaasup nakorsalluunniit naliliisup inassuteqaatanik nakorsaanermit aallartitsisooq, taakku ar-laata akisussaaffigisaanik sulissaaq.

Qarasaasiakkut nakorsartitsinerup peqqissaasumiit nakorsamilluunniit nalilivigineqarnera

Peqqissaasup nakorsaluunniit napparsimasup nakorsarneqarnissaanut tunngavissamik nalilleeq-queqartup, naliliinini akisussaaffigaa.

Paasissutissat naliliinermit tunngaviusussat naammanersut tamannalu tunngavigalugu naliliinerup ilinniagaqassutsikkut illersorneqarsinnaanermit qulakkeerinissaq, peqqissaasup nakorsalluunniit akisussaaffigaa.

Immikkut ilisimasalimmit nunatta avataaneersumit naliliisoqarnerani

Immikkut ilisimasalimmit nunatta avataaneersumit nappaammik suussusersiniaanermut, nakorsaanermit assigisaannullu atatillugu naliliisoqarnerani, nakorsaanermit aallartinneqartumut tamatumunngalu tunngaviusumut, immikkut ilisimasalik akisussaasuuvoq.

Allattugaatinut naliunaarsuisussaataitaneq immikkut ilisimasalimmiipportaaq.

Paasissutissat naliliinermit tunngavissisussat naammanersut taakkulu tunngavigalugit naliliinerup ilinniagaqassutsikkut illersorneqarsinnaanerata qulakkeernissaa, immikkut ilisimasallip

akisussaaffigaa. Taamaakkaluaq naliliinerup nakorsaanerullu illersorneqarsinnaanerannut misissuinerillu paasissutissanik pisarialinnik tunngavilersugaanerannut, nakorsaq noqqaasoq nammineq akisussaaffeqarpoq.

3. Assersuutit

- a) Sinerissami qitiusumik napparsimmavimmi qinnguartaalluni assilisat Dronning Ingridip Napparsimmavissuanut (DIN) qarasaasiakkut nassiunneqarput, tassanilu immikkut ilisimasalimmit nappaat ersarissumik suussusersineqarluni. Nakorsaaneq immikkut ilisimasalik nappaammik suussusersinermut akisussasuuvoq noqqaasorlu nakorsaanerup nangeqqinnissaanut akisussasuuulluni.
- b) Sinerissami qitiusumik napparsimmavik qarasaasiakkut nakorsartitsissut atorlugu qinnguartaanerumut tunngasunik pigaartuunikut ikiorserneqarnissaq pillugu DIN-imut isumaqatigiissuteqarpoq, taamaalliluni qinnguartaanerumut tunngatillugu immikkut ilisimasalittut pigaartuuvoq nunap immikkoortuani allamiilluni. Qinnguartaanermi assinik naliliinermi akisussaaffik DIN-imi pigaartuulluni nalii-sumiippoq.
- c) Nakorsaq peqqissaasorluunniit napparsimasup sumiiffiani assersuutigalugu nunaqarfimmi najuutinnigitsaq, isiginnaaruserluni nakorsartitsinikkut napparsimasumik naliiivoq. Nakorsaaneq nunaqarfimmi peqqinnissakkut sullissisumit ingerlanneqassaaq. Nunaqarfimmi peqqinnissakkut sullissisup nakorsamut/peqqissaasumut ikior-taasup, nakorsap/peqqissaasup akisussaaffigisaanik nakorsaaneq ingerlatis-savaa.
- d) Sinerissami qitiusumik napparsimmavimmi peqqissaasoq qarasaasiakkut nakorsartitsinermut atatillugu napparsimasup aalajangersimasup naliiiviginis-saa pillugu apeqquateqaateqarfigineqarpoq. Nunaqarfimmi peqqinnissakkut sullissisup nalinginnaasumik misissuiner-mi immikkut ittunillu, misissuiner-mi paasissutissanik naliiiniarnermi pisarialinnik tunniussassaqaanngilaq. Peqqissaasup paasissutissat taamaatsilugit suliaasaq unitsittariaqar-paa, ilinniaqassutsikkullu illersorneqarsinnaasumik naliiinissami paasissutissat suut pisariaqartinneqarnerat erseqqissarlugu.
- e) Pinasuagassaappat, nunaqarfimmilu peqqinnissakkut sullissisup paasissutissat

kissaatigineqartut pilertortumik pissarsiarisinnaanngippagit, nakorsaanissamik aamma/imaluunniit pinasuurtumik angalassinissamik aalajangerner-mut suup tunngaviunera, qitiusumik napparsimmavimmi nakorsap up-pernarsassavaa.

- f) Videokkut isiginnaarut atorlugu attaveqatigiinnikkut, sinerissami qitiusumik napparsimmavimmi timimik sungiusaasup sungiusaatit aalajangersimasut napparsimasumut sungiusaataasussat peqqissaavimmi sundhedsassistimut ilitser-suutigai. Tamatumani timimik sungiusaasoq akisussasuuvoq. Sundhedsasistenti timimik sungiusaasup ikiortigaa taassumalu akisussaaffigisaanik sungiusaassalluni.

4. Pissutsit allat

Noqqaasup qarasaasiakkiut nakorsartitsinikkut ikiorneqarnissamik qinnuteqartup, qinnuteqaatip qanoq ililluni qanorlu ilinerani nassiunneqarsimanerata up-pernarsarnissaa akisussaaffigaa.

Noqqaasup qarasaasiakkiut nakorsartitsinikkut ikiorneqarnissamik qinnuteqartup, nakorsaanerup aallartinneqartup malittarinissaata qulakkeernis-saa akisussaaffigaa.

Qarasaasiakkiut nakorsartitsinermut atatillugu Danmarkimi immikkut ilisimasalimmit naliiineq nakorsaanerumut atatillugu ajoqusiinermut patsisaaqataappat, ajoquserneq Danmarkimi napparsimasunut taarsiissuteqartarfimmut nalunaarutigi-neqassaaq.

5. Napparsimasup nakorsartinnissamut akuersissutaa

Napparsimasup paasissutissinneqareernikkut nakorsartinnissamut akuersissutaa napparsimasumik misissuullunilu nakorsaanerumut atatillugu pissarsiarineqariissaaq. Taama akuersineq tunngaviumik qarasaasiakkiut nakorsartitsinermut atatillugu nakorsaanissamut atugassamik naliiinermi atuuttututaaq isigineqarpoq.

6. Nipangiussisussaataaneq peqqissutsimullu tunngatillugu paasissutissanik assigisaanillu ingerlatitseqqiineq

Napparsimasup peqqissusaanut tunngasunik assigisaanillu nakorsaanermi atuagassanik ingerlatitseqqiineq, qarasaasiakkiut nakorsartitsinermut nassataraa. Paasissutissat allagaasinnaapput, assilisaasinnaapput, aaviisarfimmit misissuiner-neersuusinnaapput il.il.

Taamaammat nakorsartinnermi nipangiussisussaataaner-mut peqqissutsimullu tunngatillugu paasissutissanik assigisaanillu ingerlatitseqqi-inermut tunngatillugu aalajangersakkat eqquutsinneqarnerat qulakkeerneqassaaq. Qarasaasiakkiut nakorsartitsinermut atatillugu peqqissutsimut tunngatillugu paasissutissanik-

naapertuuttunik ingerlatitseqqiineq, tunngaviusumik napparsimasup nakorsartinnisamat aalajangersimasumut akuersineratut atuutissaaq.

Taamaalilluni napparsimasup paasissutissinneqareerluni nakorsartinnisamat akuersinera, qarasaasiaq atorlugu nakorsartitsinermut atatillugu naliliinermi nakorsaanermilu atugassanik paasissutissanik peqqissutsimut tunngasunik assigisaannillu nakorsartinnermut pineqartumut tunngatillugu naapertuuttunik, peqqinnissakkut sullissisup ingerlatitseqqisinnaaneranut, napparsimasup akuersisimaneratutaaq isigineqarnissaanik nassataqarpoq.

7. Allattugaatinut nalunaarsuineq

Nakorsaq peqqissaasorluunniit napparsimasunik misissuinerminut, nakorsaanerminut assigisaannilluunniit suliaqarnerminut atatillugu aqqisuusamik allattugaatinut nalunaarsuisussaatitaavoq. Qarasasiakkut nakorsartitsinermi noqqaasoq (peqqissaasoq nakorsarluunniit), immikkut ilisimasalik Nuummeersoq nunattaluunniit avataaneersoq, allattugaatinut nalunaarsuisussaatitaapput.

Nakorsap nakorsaanermik ingerlatsisuusup (noqqaasup) naliliineq nalornissutaaleqqunagu, immikkut ilisimasallip nalunaarsukkaminik assigisaannillu nassitsinissaa pillugu isumaqatigiissuteqarfigisinnaava.

Allattugaatinut nalunaarsukkanik toqqortaqarneq

Nakorsap napparsimasumik nakorsaaasup, immikkut ilisimasallip nalunaarsugaanik tigusaqarnermi kingorna, allattugaatit toqqortarinissaannut pissaaffik tigussavaa.

8. Ilitsersuutit

Napparsimasut illersorneqarsinnaasumik misissorneqarnissaannik nakorsarneqarnissaannillu qulakkeerisunik najukkani qarasaasiakkut nakorsartitsissut atorlugu attaveqatigiinnermi atugassanik, ilitsersuusiortoqarlunilu suleriaatsinut maleruagasiortoqartariaqarpoq.

9. Inerniliineq

- Ilinniagaqassuseq tunngavigalugu sullissinermi akisussaaffinnut tunngasut qarasaasiakkut nakorsartitsinermi allannguteqanngillat.
- Peqqissaasup nakorsallu immikkut namminneq ilinniagaqassusertik tunngavigalugu naliliinertik/nakorsaanertik immikkut ilisimasallip naliliinera tunngavigalugu nakorsaaasup aamma namminneq akisussaaffigaat.
- Napparsimasoq pillugu paasissutissat pissaarsiarineqartut naapertuunnerat naammagarnerallu, noqqaasup nammineq nalilissavaa.
- Peqqissaasup, timimik sungiusaasup nakorsalluunniit nakorsaaasup paasissutissat pigineqartut tunngavigalugit illersorneqarsinnaasumik naliliisinnaasorinngikkuni/nakorsaaasinnaasorinngikkuni imaluunniit kukkunerminik nalorninartunilluunniit allanik pasitsaassiguni, tamanna ilisimatitsissutigissavaa.
- Napparsimasut illersorneqarsinnaasumik misissorneqarnissaannik nakorsarneqarnissaannillu qulakkeerisunik, najukkani qarasaasiakkut nakorsartitsissut atorlugu attaveqatigiinnermi atugassanik ilitsersuusiortoqarlunilu suleriaatsinut maleruagasiortoqartariaqarpoq.

Nunatsinni Nakorsaaneqarfik 7. april 2016

Henrik Trykker
Nunatsinni Nakorsaaneq

Inatsisit tunngaviusut:

Qarasaasiakkut nakorsartitsinermut atatillugu inatsisitigut tunngaviusut pingaarnerit tassaapput *peqqinnissakkut sullissisut sulisinnaatitaanerit sullissinerallu pillugit Sundhedsstyrelsen nalunaarutaa, peqqissaasut sulisinnaatitaanerit sulinerallu pillugu Inatsisartut peqqussutaat nr. 7, 30. oktober 1995-imeersoq, kiisalu napparsimasut inatsisitigut inissisimanerat pillugu Inatsisartut peqqussutaat nr. 6, 31. maj 2001-imeersoq.*